

գլխաւորները շատ վարանեցան . ըստ աւանդութեան , Աստուծոյ դատաստանովը կը կատարուի ընտրութիւնը , և յաղթական բանակի ընկերակից եպիսկոպոսները գլուխնին բաց և բոկոտն , մեծ պարոններուն հետ կէս գիշերին երեք անգամ Ս . Գերեզմանի շուրջ թափօր կը կազմեն երգերով եւ սաղմոսերգութեամբ եւ հրաշքով մը կը վառի խաչակիր առաջին յաղթականին մարած մոմը և այն կ'ընտրուի թագաւոր Երուսաղէմի (L. S. S. էջ 68-69):

21. — Ս. Գերեզմանի ջահին պսակը (Corona) (ԺԲ . դար) . — Ս . Գերեզմանի դասի գմբէթին ծայրը կար արեգակնակ (bèlvédèr) մը՝ որ իբր գարդարանք ունէր փստակ մը (pomme de pin): 1400ին , գմբէթին ներսի կողմը , երկրի պորտին վրայ կախուած կը տեսնուէր մեծ ջահ մը (lustre) , չգիտցուի թէ Արևմուտքէն եկողները հաստատած են զայն թէ ուրիշները : Ստույգ է որ նոյն ջահը ԺԲ . դարուն սովորական գործածութիւն մը ունէր : Եկեղեցագէտները՝ սովորաբար օսկիէ , արծաթէ , պղինձէ և երկաթէ բաղադրեալ այս պսակի մասին թողած են բոլորովին խորհրդանշանական բացատրութիւն մը . պսակին գոյութիւնը պարզապէս կը նշանակէր թէ եկեղեցին պէտք է զարգարել և լուսաւորել , և յիշել ուրախութեան լոյսը և կենաց պսակը և նմանցնել զայն երկնային Երուսաղէմին (P. P. V. A. vol. II. էջ 266):

22. — Յովհաննէս Եպս . Տուեցիւն եւ Ս . Գերեզմանի կանրեղները . — «Յովհաննէս Եպս . (+1263) Տայոց գաւառէն , միթին վարքով եւ ճգնաւոր , տարւոյն երեք յիսնակները եւ պահոց օրերը անհաց եւ անջուր